



1080097496



OMAGGIO  
PER IL LXXI.º GENETLIACO  
DEL  
COMMENDATORE  
GIOVANNI BATTISTA DE ROSSI



Si premette una lettera latina di S. Eminenza il Cardinal PAROCCHI  
ed un'epigrafe del Comm. ILARIO ALIBRANDI.

Fa appendice un'elogio latino  
scritto da Monsignor GENNARO ASPRENO GALANTE.



SCIENTIARVM · DOMINVS

ET · BONORVM · SOSPITATOR

DEVS

QVI · TIBI

IOANNES · BAPTISTA · DE · ROSSI

SEPTENOS · DECIES · ANNOS · VITAE · ACTVOSISSIMAE

EXPLERE · DEDIT · FELICITER

PERDIV

TE · NOBIS · PRAESTET · ADHVC · INCOLVMEM

QVO · MAGIS · FLOREAT · OPE · STVDIISQVE · TVIS

DIVINARVM · RERVM · ET · HVMANARVM · SCIENTIA

VETVSTATIS · MONVMENTIS

ET · HISTORIAE · LVMINIBVS · ILLVSTRATA

HILARIVS · ALIBRANDIVS.

PAVLO · MARIAE · BAVMGARTEN

E · NOBILIVM · CLERICORVM · ACADEMIA

LVCIDVS · MARIA · PAROCCHI

CARDINALIS · EPISCOPVS · ALBANVS

SALVTEM · PLVRIMAM · DICIT

**D**E IOANNE BAPTISTA DE ROSSI, viro ubique gentium celeberrimo, paginas magni ponderis exarasti. Quamvis enim animo non proposueris, christianae antiquitatis principem et cum eo sacrae archaeologiae praestantiam nova ampliorique luce perfundere; quae tamen in utraque re obiter delibasti, cum doctissimi hominis merita, tum disciplinae, quam annis ab hinc quinquaginta felicissime excolit, nobilitatem gravitatemque probasti.

I. B. DE ROSSI unus post BOSIVM, eoque longe excellentior, VRBIS egesta hypogaea revelavit; et, quod haud minus interest, hypogaeorum tam veteres notiones, quam recentiores severissime excussas, ad scientiae dignitatem evexit. Quod igitur sacris disciplinis et animorum pietati insperatam eruta monumenta opem attulerint, dum fidei dogmata ab errantium explicant difficultatibus, et vivam christiano populo atque ab iconibus spirantem exhibent catechesim, haec omnia tanto viro accepta referimus.


Sed catholicum hominem potissimum expungebas. Modestiam eruditioni parem; eundem morigerum omnibus; patrem familias solertissimum; alumnis ceu parentem benevolum; sapientiae prodigum; ECCLESIAE et APOSTOLICAE SEDI addictissimum.

Id factum gratulor Tibi ex animo, spe nixus, fore ut adversarii, dum arctum pietatis foedus cum doctrina suscipiunt, iter ad catholicam fidem aliquando moliantur.

Nec finem faciam priusquam Tibi, optimae spei iuvenis, fausta quaeque adprece simulque votum proferam, ut opus quod patrio idiomate tam scite scripsisti, linguis redditum vulgatoribus, in publicam utilitatem amplius innotescat.

EX · AEDIBVS · VICARIATVS

PRIDIE · NONAS · MARTIAS · ANNO · MDCCCXCII



VIRO · ILLVSTRISSIMO · ET · CELEBERRIMO

IOANNI · BAPTISTAE · DE · ROSSI

S.

**S**i cui quattuordecim lustris peractis se officiis publicis privatisque nunquam defuisse profiteri licet, atque ad eundem amici innumeri miratoresque circumfusi uno omnes ore laudes summas congerunt, quippe qui diuturnum per aevum

*, virtulis verae custos rigidusque satellites '*

fuerit, votisque impensis expetunt

*, serus in caelum redeas, diuque*

*, laetus intersis populo Quirini, '*

diem festum DEI benevolentia datum duplici triplicique gaudio ille aget.

Tu, IOANNES BAPTISTA DE ROSSI, cuius studia, quantumque potui, persequi conatus sum, hoc die ne mea quidem vota spernes, veniamque dabis, quod

*, tenuis grandia '*

ausus ea, quae attento ingenii acumine non minus quam fausta fortuna usus aperuisti, investigasti, promulgasti, primus complecti atque Tuis ipsius oculis offerre susceperim.

Vir ille clarissimus eademque, qua flores, scientia illustris-  
simus, THEODORVS MOMMSEN, *luminis ITALIAE* ' nomine Te exornavit;  
sed magis etiam equidem admiratione Tui abripior, ut verba  
poetae in Te referri velim

, O SOL

, pulcher, o laudande, '

qui illuminasti caecos per coemeteria christiana errantes. Itali-  
carum es

, grande decus columenque rerum. '

Quod aequalibus praestitisti eodem erit numero atque ho-  
nore apud posteros, ut optimo iure VATIS VENVSINI vocem vindicare  
Tibi possis:

, Exegi monumentum aere perennius,

, Regalique situ pyramidum altius;

, Quod non imber edax, non Aquilo impotens

, Possit diruere, aut innumerabilis

, Annorum series et fuga temporum. '

Quoad scientia archeologiae christiana, cuius Tu exstitisti  
auctor parensque, vigebit, homines nomen Tuum laudibus sum-  
mis efferent temporaque Tua lauro aeternae gloriae rediment.

Licet hodie totus mundus Tibi assurgat plaudatque, ac no-  
men Tuum, quocumque sub sole homines litterarum studiis va-  
cant, resonet; ROMA tamen primum salutantium locum tenere  
debet. Nam

, Tu civitatem qui deceat status

, Curas et Vrbi sollicitus ' es.

Ac summis mihi certe pro deliciis est, quod oculis videre  
mihi licet, quomodo hac in VRBE AETERNA Te, tam egregie de sa-  
lute gloriaque eius meritum, celebrare omnes inter se certent.  
Multos ROMA habet alumnos quibus exultet; sed nullum maiore  
plausu prosequitur, quam Te. Quisquis Tua consuetudine usus  
est, quod ex uberrimo Tuo ingenio quasi ex fonte perennis aquae

vitreo haurire potuerit, summum fortunae donum semper pu-  
tabit.

Primoribus aequales Te adscripserunt PRINCEM ARCHAEOLOGIAE  
CHRISTIANAE Te vocantes, vereque ES PRINCEPS, licet qua es modestia  
titulum hunc semper reieceris. Sed qui tempora corona laudis  
litterarum splendida cinxit, mundi regibus aequus est et antistat.

Via triumphalis, quam ingressus es, nondum absoluta est;  
immo multos etiam per annos Te lucubrationum Tuarum fru-  
ctus in lucem prolaturum speramus, imprimis vero opere illo  
eximio, quo incepto iam immortalitate nomen Tuum donasti, ad  
finem perducto novum coronae Tuae folium brevi Te additurum  
confidimus. Itaque

, dum procedis » io triumphe! »

, non semel dicemus » io triumphe! »

, civitas omnis dabimusque DEO

, tura benigno. '

Dabam ROMAE PRIDIE KAL. APR. MDCCCXCII.

EX AEDIBVS PONTIFICIAE ACADEMIAE NOBILIVM ECCLESIASTICORVM

PAVLVS MARIA BAVMGARTEN.

